

KHIRO YA NGAKA NGOBANI JOHNSTONE MAKHUBU HO BA KHOMISHENARA YA SARS

Tshwane, 3 Mmesa 2026 — Khomishenara ya Ditshebeletso tsa Lekgetho tsa Afrika Borwa (SARS), Mong. Edward Kieswetter, o amohetse ka mofuthu khiro ya Ngaka Ngobani Johnstone Makhubu ho ba Khomishenara e ntjha ya SARS ho qala ka la 1 Motsheanong 2026, bakeng sa nako ya dilemo tse hlano. Ngaka Makhubu o ile a hirwa ho ba Motlatsa Khomishenara: Dipuisano tsa Balefalekgetho le Ditshebetso ho tloha ka la 1 Mmesa 2023.

Mopresidente o hirile Ngaka Makhubu ho latela dintlha tsa karolo ya 6 ya Molao wa Ditshebeletso tsa Lekgetho tsa Afrika Borwa, Molao wa 34 wa 1997. Sena se latela dikgothaletso tsa phanale e neng e hloma ba neng ba bontshitse kgahleho ya mosebetsi ona dipotso eo modulasetulo wa yona e leng Letona la mehleng la Ditjhelete, Mong. Nhlanhla Nene, e ileng ya dumellana kaofela ha yona hore Ngaka Makhubu o loketse ka ho phethahala mosebetsi ona wa ho ba Khomishenara e ntjha ya SARS.

Khiro ya Ngaka Makhubu ke sehlohlolo sa motjha wa moralo wa hlahlamano ho latela Dipatlisiso tsa Khomeshene ya Nugent tse neng di le mabapi le taolo le puso ka hara SARS. Khiro ya Ngaka Makhubu e bontsha tswelopele le monyetla wa ho nkela SARS maamong a hodingwana nakong eo e tla beng e tobana le diphephetso tse ntjha le tse tshopodi, tse fetofetohang, le tsa tikoloho ya dijithale.

Khomishenara Kieswetter o boletse hore “Mopresidente Ramaphosa o tsebile ho kgetha motho ya nang le bokgoni bo hlwahlwa ba ho nka marapo. Ngaka Makhubu o na le tsebo e tebileng ya SARS mme haesale e le karolo ya diketsahalo mona SARS. Ha ke na qeaqeo kelellong ya ka hore ho phahamiswa hona ho feela ho mo loketse. Ke sebeditse ka katamelo le mokgethwa ona wa ho ba Khomeshenara mme nka bua ka tshepo e tiileng hore o tla feela a phethahatse thomo ena e bohlokwa ya ho thusa ho aha mmuso o nang le bokgoni ho tswellisa pele tse ntle bakeng sa Maafrikaborwa ohle ka ho bokella lekgetho lohle le lokelang mmuso. Mmoho le banna le basadi ba SARS, re lakaletsa Johnstone tsohle tse ntle ha a ntse a itokisetsa ho qala ka tema ena e bohlokwa ya ho ba Khomishenara wa SARS.”

Ngaka Makhubu o na le mangolo a thuto e phahameng a *PhD in Leadership*, mme o phehethetse lengolo la *Master in Business Leadership*, mmoho le mangolo a *Bachelor in Electrical Engineering* le *Bachelor of Economics*.

Ho fumana lesedi le fetang lena, ka kopo ikopanye le SARSmedia@sars.gov.za.